



**SURUHANJAYA INTEGRITI AGENSI PENGUATKUASAAN
ENFORCEMENT AGENCY INTEGRITY COMMISSION (EAIC)**

Aras 5, Blok Menara
Bangunan Menara Usahawan
No.18 Persiaran Perdana, Presint 2
62652 PUTRAJAYA
MALAYSIA

Tel: 603-8880 5650
Faks (Fax): 603-8880 5646
Laman Web (Web): www.eaic.gov.my

KENYATAAN MEDIA

**LAPORAN SIASATAN EAIC MENGENAI INSIDEN TAHANAN ETNIK ROHINGYA
DI DEPOT IMIGRESEN SEMENTARA BIDOR**

Putrajaya, 16 Oktober 2024 — Suruhanjaya Integriti Agensi Penguatkuasaan (EAIC) telah menyelesaikan siasatan mengenai insiden 131 tahanan etnik Rohingya yang melarikan diri dari Depot Imigresen Sementara Bidor (DISB) pada 1 Februari 2024. Siasatan ini dijalankan berdasarkan aduan yang diterima dan mengikut subseksyen 27(4) Akta Suruhanjaya Integriti Agensi Penguatkuasaan 2009 [*Akta 700*].

PUNCA INSIDEN

Siasatan mendapati punca insiden tahanan etnik Rohingya tersebut melarikan diri dari DISB adalah seperti berikut:

a. Kekerasan dan Penderaan:

Terdapat unsur kekerasan melampau serta penderaan fizikal dan mental yang dialami oleh tahanan-tahanan di DISB;

b. Ketidakpekaan Pegawai:

Pegawai dari Jabatan Imigresen Malaysia (JIM) dan anggota Jabatan Sukarelawan Malaysia (RELA) yang bertugas di DISB didapati tidak peka terhadap keadaan sekeliling sebelum insiden tersebut (melarikan diri) berlaku;

c. Kelemahan Infrastruktur:

Bangunan DISB, yang merupakan bekas Kem Program Latihan Khidmat Negara (PLKN), mempunyai kelemahan infrastruktur yang tidak memenuhi standard yang diperlukan untuk berfungsi sebagai depot tahanan.

d. Kegagalan dalam Pemantauan:

Pegawai kanan dan penyelia di DISB gagal memantau dan bertindak untuk mengawal keadaan semasa insiden tersebut

HASIL SIASATAN

Siasatan mendapati bahawa:

- (i) Kekerasan dan penderaan terhadap tahanan etnik Rohingya telah bermula dari tahun 2020 hingga 2021 ketika mereka ditempatkan di Kem Wawasan Langkawi, sebelum dipindahkan ke beberapa depot imigresen, termasuk DISB.
- (ii) Beberapa pegawai JIM di DISB, termasuk dua orang pegawai yang pernah bertugas di Kem Wawasan Langkawi sebelum ditukarkan ke DISB, didapati telah melakukan kekerasan yang melampau serta penderaan fizikal dan mental terhadap tahanan etnik Rohingya sehingga mengakibatkan kecederaan kepada mereka.

Sehubungan itu, EAIC memutuskan untuk merujuk syor hukuman terhadap pegawai-pegawai yang terlibat kepada Pihak Berkuasa Tatatertib (PBT) JIM. Cadangan penambahbaikan infrastruktur depot tahanan juga akan dikemukakan kepada Ketua Pengarah JIM.

EAIC telah membuat laporan polis mengenai isu kekerasan dan penderaan terhadap tahanan etnik Rohingya di DISB dan Kem Wawasan Langkawi bagi membolehkan siasatan lanjut dijalankan oleh Polis Diraja Malaysia (PDRM).

Dikeluarkan oleh:

Unit Komunikasi Korporat
Suruhanjaya Integriti Agensi Penguatkuasaan (EAIC)